



花間集卷第四

牛嶠

首二十六

女冠子

綠雲高髻。點翠勻紅時。五月如眉。淺笑含顰。低聲唱小詞。眼看唯恐化。魂蕩欲相隨。玉趾迴嬌步。約佳期。

其二

錦江煙水。卓女燒春濃。美小檀霞。繡帶芙蓉帳。金釵芍藥花。額黃侵膩髮。臂釧透紅紗。柳暗



鶯啼處認郎家。

其三

星冠霞帔。住在藥珠宮裏。佩丁當。明翠搖蟬翼。
織珪理宿粧。醮壇春草綠。藥院杏花香。青鳥
傳心事。寄劉郎。

其四

雙飛雙舞。春晝後。園鶯語。卷羅幃。錦字書封了。
銀河鴈過遲。鴛鴦排寶帳。苧裳繡連枝。不語
勾珠淚。落花時。

夢江南

嚼泥燕。飛到畫堂前。占得杏梁安穩處。體輕唯
有主人憐。堪羨好因緣。

其二

紅繡被。兩兩間鴛鴦。不是鳥中偏愛爾。為緣交
頸睡。南塘。全勝薄情郎。

感恩多

兩條紅粉淚。多少香閨意。強攀桃李枝。斂愁眉。
陌上鶯啼蝶舞。柳花飛。柳花飛。願得郎心憶。

家還早歸。

其二

自從南浦別。愁見丁香結。近來情轉深。憶鴛衾。
幾度將書託煙鴈。淚盈襟。淚盈襟。禮月求天。
願君知我心。

應天長

玉樓春望晴煙滅。舞衫斜卷金條脫。黃鸝嬌轉
聲初歇。杏花飄盡龍山雪。鳳釵低赴節。筵上
玉孫愁絕。鴛鴦對。嚼羅結。兩情深夜月。

其二

雙眉澹薄藏心事。清夜背燈嬌又醉。玉釵橫山
枕膩。寶帳鴛鴦春睡美。別經時、無限意。虛道
相思憔悴。莫信綵牋書裏。賺人腸斷字。

更漏子

星漸稀、漏頻轉。何處輪臺聲怨。香閣掩、杏花紅。
月明楊柳風。挑錦字、記情事。唯願兩心相似。
收淚語、背燈眠。玉釵橫枕邊。

其二

春夜闌更漏促。金燼暗挑殘燭。驚夢斷錦屏深。
兩鄉明月心。閨草碧望歸客。還是不知消息。
辜負我悔憐君。告天天不聞。

其三

南浦情紅粉淚。爭柰兩人深意。低翠黛卷征衣。
馬嘶霜葉飛。招手別。寸腸結。還是去年時節。
書託鴈夢歸家。覺來江月斜。

望江怨

東風急。惜別蒼苔時。手頻執。羅幃愁獨入。馬嘶殘

雨春蕪濕。倚門立。寄語薄情郎。粉香和淚泣。

菩薩蠻

舞裙香暖金泥鳳。畫梁語燕驚殘夢。門外柳花
飛。玉郎猶未歸。愁勻紅粉淚。眉剪春山翠。何
處是遼陽。錦屏春晝長。

其二

柳花飛處鶯聲急。晴街春色香車立。金鳳小簾
開。臉波和恨來。今宵求夢想。難到青樓上。羸
得一場愁。鴛衾誰竝頭。

其三

玉釵風動春幡急。交枝紅杏籠煙泣。樓上望卿卿。窻寒新雨晴。熏爐蒙翠被。繡帳鴛鴦睡。何處最相知。羨他初畫眉。

其四

畫屏重疊巫陽翠。楚神尚有行云意。朝暮幾般心。向他情謾深。風流今古隔。虛作瞿塘客。山月照山花。夢迴燈影斜。

其五

風簾蕩舞鶯啼柳。粧臺約鬢低。纖手釵重髻盤珊。一枝紅牡丹。門前竹樂客。白馬嘶春色。故故墜金鞭。迴頭應眼穿。

其六

綠雲鬢上飛金雀。愁眉斂翠春煙薄。香閣掩芙蓉。畫屏山幾重。窻寒天欲曙。猶結同心苣。啼粉污羅衣。問郎何日歸。

其七

玉樓冰簟鴛鴦錦。粉融香汗流山枕。簾外轆轤

聲。斂眉含笑驚。柳陰煙漠漠。低鬢蟬釵落。須
作一生拚。盡君今日歡。

酒泉子

記得去年煙暖杏園花正發。雪飄香。江草綠柳
絲長。鈿車織手卷簾望。眉學春山樣。鳳釵低
裏翠鬟上。落梅粧。

定西番

紫塞月明千里。金甲冷。戍樓寒。夢長安。鄉思
望中天闊。漏殘星亦殘。畫角數聲嗚咽。雪漫漫。

玉樓春

春入橫塘搖淺浪。花落小園空惆悵。此情誰信
爲狂夫。恨翠愁紅流枕上。小玉窻前嗔蕩語。
紅淚滴穿金線縷。鴈歸不見報郎歸。織成錦字
封過與。

西溪子

捍撥雙盤金鳳。蟬鬢玉釵搖動。畫堂前人不語。
絃解語。彈到昭君怨處。翠蛾愁不擡頭。

江城子

鷓鴣飛起郡城東。碧江空。半灘風。越王宮殿，蘋葉藕花中。簾卷水樓漁浪起，千片雪，雨濛濛。

其二

極浦煙消水鳥飛。離筵分首時。送金卮。渡口楊花狂雪，任風吹。日暮空江波浪急，芳草岸，雨如絲。

張泌 二十三首

浣溪沙

鈿轂香車過柳堤。樺煙分處馬頻嘶。為他沉醉

不成泥。花滿驛亭香露細，杜鵑聲斷玉蟾低。含情無語倚樓西。

其二

馬上凝情憶舊遊。照花淹竹小溪流。鈿箏羅幕玉搔頭。早是出門長帶月，可堪分袂又經秋。晚風斜日不勝愁。

其三

獨立寒堦望月華。露濃香泛小庭花。繡屏愁背一燈斜。雲雨自從分散後，人間無路到仙家。

但憑魂夢訪天涯。

其四

依約殘眉理舊黃。翠鬟拋擲一簪長。暖風晴日
罷朝粧。閑折海棠看又撚。玉纖無力惹餘香。
此情誰會倚斜陽。

其五

翡翠屏開繡幄紅。謝娥無力曉粧慵。錦幃鴛被
宿香濃。微雨小庭春寂寞。燕飛鶯語隔簾櫳。
杏花疑恨倚東風。

其六

枕障熏鑪隔綉幃。二年終日兩相思。杏花明月
始應知。天上人間何處去。舊歡新夢覺來時。
黃昏微雨畫簾垂。

其七

花月香寒悄夜塵。綺筵幽會暗傷神。嬋娟依約
畫屏人。人不見時還暫語。令繞拋後愛微顰。
越羅巴錦不勝春。

其八

偏戴花冠白玉簪。睡容新起意沉沉。翠鈿金縷
鎮眉心。小檻日斜風悄悄，隔簾零落杏花陰。
斷香輕碧鎖愁深。

其九

晚逐香車入鳳城。東風斜揭繡簾輕。慢迴嬌眼
笑盈盈。消息未通何計是，便須佯醉且隨行。
依稀聞道太狂生。

其十

小市東門欲雪天。衆中依約見神仙。藥黃香盡

帖金蟬。飲散黃昏人草草，醉容無語立門前。
馬嘶塵烘一街煙。

臨江仙

煙收湘渚秋江靜。蕉花露泣愁紅。五雲雙鶴去
無蹤。幾迴魂斷，疑望向長空。翠竹暗留珠淚
怨，閑調寶瑟波中。花鬟月鬢綠雲重。古祠深殿
香冷，雨和風。

女冠子

露花煙草。寂寞五雲三島。正春深。免減潛銷玉

香殘尚惹襟。竹疎虛檻靜。松密醮壇陰。何事
劉郎去、信沉沉。

河傳

渺莽雲水。惆悵暮帆。去程迢遞。夕陽芳草千里。
萬里。鴈聲無限起。夢魂情斷。煙波裏。心如醉。
相見何處是。錦屏香冷。無睡。被頭多少淚。

其二

紅杏交枝相映。密密濛濛。一庭濃豔。倚東風香
融。透簾櫳。斜陽似共春光語。蝶爭舞。更引流

鶯妬。魂銷千片玉。罇前神仙。瑤池醉暮天。

酒泉子

春雨打窗。驚夢覺來天氣曉。畫堂深。紅燭小。背
蘭缸。酒香噴鼻。懶開缸。惆悵更無人共醉。舊
巢中。新燕子。語雙雙。

其二

紫陌青門。三十六宮春色。御溝輦路。暗相通。杏
園風。咸陽沽酒寶釵空。笑指未央歸去。挿蒼
走馬。落殘紅。月明中。

生查子

相見稀、喜相見。相見還相遠。檀畫荔枝紅、金蔓
蜻蜓軟。魚鴈疎、芳信斷。花落庭陰晚。可惜玉
肌膚、銷瘦成慵懶。

思越人

燕雙飛、鶯百轉。越波堤下長橋。鬪鈿花、岸金匣
恰舞衣、羅薄纖腰。東風澹蕩、慵無力、黛眉愁
聚春碧滿地。落花無消息。月明腸斷空憶。

滿宮花

花正芳、樓似綺。寂寞上陽宮裏。鈿籠金瑣睡鴛
鴦、簾冷露華珠翠。嬌艷輕盈、香雪膩。細雨黃
鶯雙起。東風惆悵。欲清明、公子橋邊沉醉。

柳枝

膩粉瓊粧透碧紗。雪休誇。金鳳搔頭墜鬢斜。髮
交加。倚著雲屏新睡覺。思夢笑。紅腮隱出枕
函苞。有些些。

南歌子

柳色遮樓暗。桐花落砌香。畫堂開處遠風涼。高

卷水精簾額。襯斜陽。

其二

岸柳拖煙綠。庭花照日紅。數聲蜀魄入簾櫳。驚
斷碧窻殘夢。盡屏空。

其三

錦薦紅鸚鵡。羅衣繡鳳皇。綺疎飄雪北風狂。簾
幕盡垂無事。鬱金香。

花間集卷第四

花間集卷第五

張泌 四首

江城子

碧欄干外小中庭。雨初晴。曉鶯聲。飛絮落花時
節近清明。睡起卷簾無一事。勾面了。沒心情。

其二

浣花溪上見。卿卿。臉波秋水明。黛眉輕。綠雲高
綰。金簇小蜻蜓。好是問他來得麼。和笑道。莫多
情。

河瀆神

古樹噪寒鴉。滿庭楓葉蘆花。晝燈當午隔輕紗。畫閣珠簾影斜。門外往來祈賽客。翩翩帆落天涯。回首隔江煙火。渡頭三兩人家。

胡蝶兒

胡蝶兒。晚春時。阿嬌初着淡黃衣。倚窗學畫伊。還似花間見。雙雙對對飛。無端和淚拭胭脂。惹教雙翅垂。

毛文錫三十一首

虞美人

鴛鴦對浴銀塘暖。水面蒲梢短。垂楊低拂麴塵波。蛟絲結網露珠多。滴圓荷。遙思柀葉吳江碧。便是天河隔。錦鱗紅鬢影沉沉。相思空有夢相尋。意難任。

其二

寶檀金縷鴛鴦枕。綬帶盤宮錦。夕陽低映小窗明。南園綠樹語鶯鶯。夢難成。玉鑪香暖頻添炷。滿地飄輕絮。珠簾不卷度沉煙。庭前閑立畫

鞦韆艷陽天。

酒泉子

綠樹春深。鶯語鶯啼聲斷續。蕙風飄蕩入芳叢。
惹殘紅。柳絲無力裊煙空。金盞不辭須滿酌。
海棠花下思朦朧。醉香風。

喜遷鶯

芳春景暖。晴煙喬木見鶯遷。傳枝隈葉語關關。
飛過綺叢間。錦翼鮮。金毳軟。百轉千嬌相喚。
碧紗窻曉。怕聞聲。驚破鴛鴦暖。

贊成功

海棠未坼。萬點深紅。香包絨結一重重。似含羞
態。邀勒春風。蜂來蝶去。任遶芳叢。昨夜微雨。
飄灑庭中。忽聞聲滴井邊桐。美人驚起坐聽晨
鐘。快教折取戴玉朧朧。

西溪子

昨日西溪遊賞。芳樹奇峯千樣。瑣春光金罇滿。
聽絃管。媼妓舞衫香暖。不覺到斜暉。馬馱歸。

中興樂

荳蔻花繁煙艷。淡丁香軟結同心。翠鬟女相與
共淘金。紅蕉葉裏猩猩語。鴛鴦浦。鏡中鸞舞。
絲雨隔荔枝陰。

更漏子

春夜闌。春恨切。花外子規啼月。人不見。夢難憑。
紅紗一點燈。偏怨別。是芳節。庭下丁香千結。
宵霧散。曉霞輝。梁間雙燕飛。

接賢賓

香鞦褭。鏤襜褕。五花驄。值春景初融。流珠噴沫躑躅。
汗血流紅。少年公子能乘馭。金鑣玉轡瓏璁。
為惜珊瑚鞭。不下驕生百步千蹤。信穿花從拂
柳。向九陌追風。

贊浦子

錦帳添香睡。金鑪換夕薰。懶結芙蓉帶。慵拖翡翠
裙。正是桃夭柳媚。那看暮雨朝雲。宋玉高
唐意。裁瓊欲贈君。

甘州遍

春光好。公子愛閑遊。足風流。金鞍白馬。雕弓寶

劍紅纓錦襜出長鞦。花蔽膝玉銜頭。尋芳逐
勝歡宴。絲竹不曾休。美人唱。揭調是甘州。醉紅
樓。堯季舜日。樂聖永無憂。

其二

秋風緊。平磧鴈行低。陣雲齋。蕭蕭颯颯。邊聲四
起。愁聞戍角與征鼙。青塚北。黑山西。沙飛聚
散無定。往往路人迷。鐵衣冷。戰馬血沾蹄。破蕃
奚。鳳皇詔下。步步躡丹梯。

紗窻恨

新春燕子還來至。一雙飛。壘巢泥濕。時時墜。澆
人衣。後園裏。看百花發。香風拂。繡戶金扉。月
照紗窻。恨依依。

其二

雙雙蝶翅塗鉛粉。啣花心。綺窻繡戶。飛來穩。盡
堂陰。二三月。愛隨飄絮。伴落花來。拂衣襟。更
剪輕羅片。傳黃金。

柳含煙

隋堤柳。汴河春。夾岸綠陰千里。龍舟鳳舸木蘭

香錦帆張。因夢江南春景好。一路流蘇羽葆。
笙歌未盡。起橫流鎖。春愁。

其二

河橋柳占芳春。映水含煙。拂路幾迴攀折。贈行人。暗傷神。
樂府吹為橫笛曲。能使離腸斷續。不如移植在金門。近天恩。

其三

章臺柳近垂旒。低拂往來冠蓋。隴隴春色滿皇州。
瑞煙浮。直與路邊江畔別。免被離人攀折。

最憐京兆畫蛾眉。葉纖時。

其四

御溝柳占春多。半出宮牆婀娜。有時倒影蘸輕羅。
麴塵波。昨日金鑿巡上苑。風亞舞腰纖軟。栽培得地近
皇宮。瑞煙濃。

醉花間

休相問。怕相問。相問還添恨。春水滿塘生。鷓鴣
還相趁。昨夜雨霏霏。臨明寒一陣。偏憶戍樓人。久絕
邊庭信。

其二

深相憶。莫相憶。相憶情難極。銀漢是紅牆。一帶
遙相隔。金盤珠露滴。兩岸榆花白。風搖玉珮
清。今夕為何夕。

浣沙溪

春水輕波。浸綠苔。枇杷洲上紫檀開。晴日眠沙
鷓鴣穩。暖相隈。羅襪生塵。游女過。有人逢着
弄珠迴。蘭麝飄香。初解珮。忘歸來。

其二

七夕年年信不違。銀河清淺白雲微。蟾光鵲影
伯勞飛。每恨蟪蛄憐嫠女。幾迴嬌妬下鴛機。
今宵嘉會兩依依。

月宮春

水精宮裏桂花開。神仙探幾迴。紅芳金蕊繡重
臺。低傾馬腦盃。玉兔銀蟾爭守護。姮娥姹女
戲相隈。遙聽鈞天九奏。玉皇親看來。

戀情深

滴滴銅壺寒漏咽。醉紅樓月。宴餘香殿會鴛衾。

花間集 卷之五
七
蕩春心。真珠簾下曉光侵。鶯語隔瓊林。寶帳
歌開慵起。戀情深。

其二

玉殿春濃花爛熳。簇神僊伴。羅裙窄地縷黃金。
奏清音。酒闌歌罷兩沉沉。一笑動君心。永願
作鴛鴦伴。戀情深。

訴衷情

桃花流水漾縱橫。春晝彩霞明。劉郎去後阮郎行。
惆悵恨難平。愁坐對雲屏。算歸程。何時攜手

洞邊迎。訴衷情。

其二

鴛鴦交頸繡衣輕。碧沼藕花馨。隈藻荇。映蘭汀。
和雨浴浮萍。思婦對心驚。想邊庭。何時解珮
掩雲屏。訴衷情。

應天長

平江波暖鴛鴦語。兩兩釣船歸極浦。蘆洲一夜
風和雨。飛起淺沙翹雪鷺。漁燈明遠渚。蘭棹
今宵何處。羅袂從風輕舉。愁殺採蓮女。

河滿子

紅粉樓前月照碧紗窗。外鶯啼。夢斷遼陽音信。那堪獨守空閨。恨對百花時節。王孫綠草萋萋。巫山一段雲

雨霽巫山上。雲輕映碧天。遠風吹散又相連。十二晚峯前。暗濕啼猿樹。高籠過客船。朝朝暮暮。暮楚江邊。幾度降神仙。

臨江仙

暮蟬聲盡落斜陽。銀蟾影挂瀟湘。黃陵廟側水

茫茫。楚山紅樹。煙雨隔高唐。岸泊漁燈風颭。碎白蘋。遠散濃香。靈娥鼓瑟韻清商。朱絃淒切。雲散碧天長。

牛希濟 十一首

臨江仙

峭碧參差十二峯。冷煙寒樹重重。瑤姬宮殿是仙蹤。金鑪珠帳。香靄畫偏濃。一自楚王驚夢。斷人間。魚路相逢。至今雲雨帶愁容。月斜江上。征棹動晨鐘。

其二

謝家仙觀寄雲岑。巖薤拂地成陰。洞房不閉白
雲深。當時丹竈一粒化黃金。石壁霞衣猶半
挂。松風長似鳴琴。時聞唳鶴起前林。十洲高會
何處許相尋。

其三

渭闕宮城秦樹凋。玉樓獨上無憀。含情不語自
吹簫。調清和恨天路逐風飄。何事乘龍人忽
降。似知深意相招。三清攜手路非遙。世間屏障

彩筆畫嬌饒。

其四

江繞黃陵春廟閑。嬌鶯獨語關關。滿庭重疊綠
苔斑。陰雲無事四散自歸山。簫鼓聲稀香燼
冷。月娥斂盡灣環。風流皆道勝人間。須知狂客
判死為紅顏。

其五

素洛春光潑灩平。千重媚臉初生。凌波羅襪勢
輕輕。煙籠日照珠翠半分明。風引寶衣疑欲

舞鸞迴鳳翥堪驚也。知心許恐無成。陳王辭賦，
千載有聲名。

其六

柳帶搖風漢水濱。平蕪兩岸爭勻。鴛鴦對浴浪
痕新。弄珠游女，微笑自含春。輕步暗移蟬鬢
動，羅裙風惹輕塵。水精宮殿豈無因。空勞纖手，
解珮贈情人。

其七

洞庭波浪颭晴天。君山一點凝煙。此中真境屬

神仙。玉樓珠殿，相映月輪邊。萬里平湖秋色
冷，星辰垂影參然。橘林霜重更紅鮮。羅浮山下，
有路暗相連。

酒泉子

枕轉簟涼，清曉遠鐘殘夢。月光斜，簾影動。舊鑪
香。夢中說盡相思事。纖手勻雙淚。去年書，今
日意。斷離腸。

生查子

春山煙欲收。天澹稀星小。殘月臉邊明。別淚臨

清曉。語已多情未了。回首猶重道。記得綠羅裙處處。憐芳草。
一本無已字

中興樂

池塘暖碧浸晴暉。濛濛柳絮輕飛。紅蕖凋來醉夢還稀。春雲空有鴈歸。珠簾垂。東風寂寞恨。卽拋擲。淚濕羅衣。

謁金門

秋已暮。重疊關山歧路。嘶馬搖鞭何處去。曉禽霜滿樹。夢斷禁城鐘鼓。淚滴枕檀無數。一點凝紅和薄霧。翠蛾愁不語。

花間集卷第五

花間集卷第六

歐陽炯

首十七

浣溪沙

落絮殘鶯半日天。玉柔花醉只思眠。惹窗映竹
滿爐煙。獨掩畫屏愁不語，斜欹瑤枕鬢鬟偏。
此時心在阿誰邊。

其二

天碧羅衣拂地垂。美人初著更相宜。宛風如舞
透香肌。獨坐含嚙吹鳳竹，園中緩步折花枝。

有情無力泥人時。

其三

相見休言有淚珠。酒闌重得叙歡娛。鳳屏鴛枕宿金鋪。蘭麝細香聞喘息。綺羅纖縷見肌膚。此時還恨薄情無。

三字令

春歎盡。日遲遲。牡丹時。羅幌卷。翠簾垂。彩牋書。紅粉淚。兩心知。人不在。燕空歸。負佳期。香燼落。枕函欹。月分明。花澹薄。惹相思。

南鄉子

嫩草如煙。石榴花發海南天。日暮江亭春影綠。鴛鴦浴。水遠山長看不足。

其二

畫舸停橈。槿花籬外竹橫橋。水上遊人沙上女。迴顧笑。指芭蕉。林裏住。

其三

岸遠沙平。日斜歸路晚霞明。孔雀自憐金翠尾。臨水認得行人驚不起。

其四

洞口誰家木蘭船。繫木蘭花。紅袖女郎相引去。
遊南浦。笑倚春風相對語。

其五

二八花鈿。肖前如雪臉如蓮。耳墜金環穿瑟瑟。
霞衣窄。笑倚江頭招遠客。

其六

路入南中。枕柳葉暗蓼花紅。兩岸人家微雨後。
收紅豆。樹底纖手擡素手。

其七

袖斂鮫綃。採香深洞笑相邀。藤杖枝頭蘆酒滴。
鋪葵席。豆蔻花間趁晚日。

其八

翡翠鴉鵲。白蘋香裏小沙汀。島上陰陰秋雨色。
蘆荅撲。數隻魚船何處宿。

獻衷心

見好花顏色。爭笑東風。雙臉上。晚粧同。閉小樓。
深閤。春景重重。三五夜。偏有恨。月明中。情未

存問集 卷之六
已信曾通。滿衣猶自染檀紅。恨不如雙燕飛舞
簾櫳。春欲暮。殘絮盡。柳條空。

賀明朝

憶昔花間初識面。紅袖半遮粧臉。輕轉石榴裙
帶。故將纖纖玉指。偷撫雙鳳金線。碧梧桐。瑣
深深。院誰料得。兩情何日教繾綣。羨春來雙燕
飛到玉樓。朝暮相見。

其二

憶昔花間相見後。只憑纖手暗拋紅豆。人前不

解巧傳心事。別來依舊辜負春晝。碧羅衣上
感金繡。覩對鴛鴦空裏。淚痕透。想韶顏非久。終
是為伊只恁偷瘦。

江城子

晚日金陵岸草平。落霞明。水無情。六代繁華。暗
逐逝波聲。空有姑蘓臺上月。如西子。鏡照江城。

鳳棲春

鳳髻綠雲叢。深掩房櫳。錦書通。夢中相見覺來
慵。勻面淚。臉珠融。因想玉郎何處去。對淑景。誰

同。小樓中。春思無窮。倚欄顚望。閨牽愁緒。柳
巷飛起東風。斜日照簾羅。幌香冷。粉屏空。海棠
零落。鶯語殘紅。

和凝二十首

小重山

春入神京萬木芳。禁林鶯語滑。蝶飛狂。曉花擎
露。妬啼妝。紅日永。風和百花香。煙瑣柳絲長。
御溝澄碧水。轉池塘。時時微雨洗風光。天衢遠
到處。引笙篳。

其二

正是神京爛熳時。羣仙初折得。却詵枝。烏白
紵最相宜。精神出御陌。袖鞭垂。柳色展愁眉。
管絃分響亮。探花期。光陰占斷曲江池。新榜上
名姓。徹丹墀。

臨江仙

海棠香老春江晚。小樓霧縠涳濛。翠鬟初出繡
簾中。麝煙鬢。惹蘋風。碾玉釵。搖鷓鴣。戰雪
肌。雲鬢將融。含情遙指碧波東。越王臺殿。蓼花

紅

其二

披袍窄地紅宮錦。鶯語時轉輕音。碧羅冠子穩。
犀簪鳳皇雙颭步搖金。肌骨細勻紅玉軟。臉
波微送春心。嬌羞不肯入鴛衾。蘭膏光裏兩情
深。

菩薩蠻

越梅半拆輕寒裏。冰清澹薄籠藍水。暖覺杏梢
紅。遊絲狂惹風。閑階莎徑碧。遠夢猶堪惜。離

恨又迎春。相思難重陳。

山花子

鶯錦蟬穀馥麝臍。輕裾花草曉煙迷。鷓鴣顛金
紅掌墜。翠雲低。星靨笑隈霞臉畔。蹙金開襜
襯銀泥。春思半和芳草嫩。綠萋萋。

其二

銀字笙寒調正長。水紋簾冷畫屏涼。玉腕重金
扼臂。澹梳粧。幾度試香纖手暖。一回嘗酒絳
脣光。佯弄紅絲繩拂子。打檀郎。

河滿子

正是破瓜年。幾含情、慣得人饒。桃李精神鸚鵡舌，可堪虛度良宵。却愛藍羅裙子，羨他長束纖腰。

其二

寫得魚牋無限。其如花鎖春輝。目斷巫山雲雨，空教殘夢依依。却愛薰香小鴨，羨他長在屏幃。

薄命女

一名長命女

天欲曉。宮漏穿花聲繚繞。牕裏星光少。冷霞寒

侵帳額。殘月光沉樹杪。夢斷錦幃空悄悄。強起愁眉小。

望梅花

春草全無消息。臘雪猶餘蹤跡。越嶺寒枝香自拆。冷艷奇芳堪惜。何事壽陽無處覓。吹入誰家橫笛。

天仙子

柳色披衫金縷鳳。纖手輕拈紅豆弄。翠蛾雙臉正含情。桃花洞。瑤臺夢。一片春愁誰與共。

其二

洞口春紅飛款款。仙子含愁眉黛綠。阮郎何事不歸來。懶燒金慵篆玉。流水桃花空斷續。

春光好

紗窗暖。畫屏閑。顰雲鬢。睡起四肢無力。半春間。玉指剪裁羅勝。金盤點綴酥山。窺宋深心無限事。小眉彎。

其二

蘋葉軟。杏花明。畫船輕。雙浴鴛鴦出渌汀。棹歌

聲。春水魚風魚浪。春天半雨半晴。紅粉相隨南浦晚。幾含情。

採桑子

蟾蜍領上訶梨子。繡帶雙垂。柵戶閑時。竟學樗蒲賭荔枝。叢頭鞋子紅編細。裙窄金絲。魚事頻眉。春思翻教阿母疑。

柳枝

軟碧搖煙似送人。映花時把翠蛾嚙。青青自是風流主。慢颭金絲待洛神。

其二

瑟瑟羅裙金縷腰。黛眉隈破未重描。醉來咬損
新花子。拽住仙郎盡放嬌。

其三

鵲橋初就咽銀河。今夜仙郎自姓和。不是昔年
攀桂樹。豈能月裏索嫦娥。

漁父

白芷汀寒立鷺鷥。蘋風輕剪浪花時。煙幕七日
遲遲。香引芙蓉惹釣絲。

顧夔十八首

虞美人

曉鶯啼破相思夢。簾卷金泥鳳。宿粧猶在酒初
醒。翠翹慵整倚雲屏。轉娉婷。香檀細畫侵桃
臉。羅袂輕輕斂。佳期堪恨再難尋。綠蕪滿院柳
成陰。負春心。

其二

觸簾風送景陽鐘。鴛被繡花重。曉幃初卷冷煙
濃。翠勻粉黛好儀容。思嬌慵。起來無語理朝

花開集 卷之六 九
粧寶匣鏡凝光。綠荷相倚滿池塘。露清枕簟藕
花香。恨悠揚。

其三

翠屏閑掩垂珠箔。絲雨籠池閣。露粘紅藕咽清
香。謝娘嬌極不成狂。罷朝粧。小金鷓鴣沉煙
細膩。枕堆雲髻淺眉微斂。注檀輕。舊懽時有夢
魂驚。悔多情。

其四

碧梧桐映紗窻晚。花謝鶯聲懶。小屏屈曲掩青

山。翠幃香粉玉爐寒。兩蛾攢。顛狂年少輕離
別。辜負春時節。畫羅紅袂有啼痕。魂銷無語倚
閨門。欲黃昏。

其五

深閨春色勞思想。恨共春蕪長。黃鸝嬌轉詭芳
妍。杏枝如畫倚輕煙。瑣窻前。凭欄愁立雙蛾
細。柳影斜搖砌。玉郎還是不還家。教人魂夢逐
楊花。繞天涯。

其六

少年艷質勝瓊英。早晚別三清。蓮冠穩簪鈿篋，
橫飄飄羅袖碧雲輕。畫難成。遲遲少轉腰身，
裏翠靨眉心小。醮壇風急杏枝香。此時恨不駕
鸞皇。訪劉郎。

河傳

燕颺晴景。小窻屏暖。鴛鴦交頸。菱花掩却翠鬟。
歌慵整。海棠簾外影。繡幃香斷金鸂鶒。魚消
息。心事空相憶。倚東風。春正濃。愁紅淚痕衣上
重。

其二

曲檻春晚。碧流紋細。綠楊絲軟。露花鮮。杏枝繁。
鶯轉野蕪平似剪。直是人間到天上。堪遊賞。
醉眼疑屏障。對池塘。惜韶光。斷腸。為花須盡狂。

其三

棹舉舟去。波光渺渺。不知何處。岸花汀草共依
依。雨微鷓鴣相逐飛。天涯離恨江聲咽。啼猿
切。此意向誰說。艤欄橈。獨魚膠。魂銷小。鑪香歎
焦。

甘州子

一爐龍麝錦帷傍。屏掩映、燭熒煌。禁樓刁斗喜初長。羅薦繡鴛鴦。山枕上、私語口脂香。

其二

每逢清夜與良晨。多悵望、足傷神。雲迷水隔意中人。寂寞繡羅茵。山枕上、幾點浪痕新。

其三

曾如劉阮訪仙蹤。深洞客、此時逢。綺筵散後繡衾同。款曲見韶容。山枕上、長是怯晨鐘。

其四

露桃花裏小樓深。持玉盞、聽瑤琴。醉歸青瑣入鴛衾。月色照衣襟。山枕上、翠鈿鎮眉心。

其五

紅鑪深夜醉調笙。敲拍處、玉纖輕。小屏古畫岸低平。煙月滿閑庭。山枕上、燈背臉波橫。

玉樓春

月照玉樓春漏促。颯颯風搖庭砌竹。夢驚鴛鴦被。覺來時、何處管絃聲斷續。惆悵少年遊冶去。

花間集 卷之六
枕上兩蛾攢細綠。曉鶯簾外語。花枝背帳猶殘。
紅蠟燭。

其二

柳映玉樓春日晚。雨細風輕。煙草軟。盡堂鸚鵡
語。雕籠金粉。小屏猶半掩。香滅繡幃人寂寂。
倚檻無語。愁思遠。恨即何處。縱踈狂。長使含啼
眉不展。

其三

月皎露華窻影細。風送菊香。粘繡袂。博山爐冷

水沉微。惆悵金閨終日閉。懶展羅衾垂玉筍。
直對菱花。篋寶髻。良宵好事枉教休。無計那他
狂耍婿。

其四

拂水雙飛來去燕。曲檻小屏山。六扇春愁凝思。
結眉心。綠綺懶調紅錦薦。話別情多。聲欲顫。
玉筍痕留紅粉面。鎮長獨立到黃昏。却怕良宵
頻夢見。

花間集卷第六

花間集卷第七

顧夙

三十七首

浣溪沙

春色迷人恨正賒。可堪蕩子不還家。細風輕露
著梨花。簾外有情雙燕颺。檻前無力綠楊斜。
小屏狂夢極天涯。

其二

紅藕香寒翠渚平。月籠虛閣夜蛩清。塞鴻驚夢
兩牽情。寶帳玉爐殘麝冷。羅衣金縷暗塵生。

小窻孤燭淚縱橫。

舊前作天際鴻枕上夢兩牽情後作小窻深孤燭背淚縱

其三

荷芰風輕簾幕香。繡衣鴻鵠泳回塘。小屏閑掩舊蘼湘。恨入空帏鷺影獨。淚凝雙臉渚蓮光。薄情年少悔思量。

其四

惆悵經年別謝娘。月窻花院好風光。此時相望最情傷。青鳥不來傳錦字。瑤姬何處瑣蘭房。

忍教魂夢兩茫茫。

其五

庭菊飄黃玉露濃。冷莎隈砌隱鳴蛩。何期良夜得相逢。背帳風搖紅蠟滴。惹香暖夢繡衾重。覺來枕上怯晨鐘。

其六

雲澹風高葉乳飛。小庭寒雨綠苔微。深閨人靜掩屏幃。粉黛暗愁金帶枕。鴛鴦空繞畫羅衣。那堪辜負不思歸。

其七

鴈響遙天玉漏清。小紗窻外月朧明。翠幃金鴨
炷香平。何處不歸音信斷。良宵空使夢魂驚。
簾涼枕冷不勝情。

其八

露白蟾明又到秋。佳期幽會兩悠悠。夢牽情役
幾時休。記得詭人微歛黛。無言斜倚小書樓。
暗思前事不勝愁。

酒泉子

楊柳舞風輕。惹春煙殘雨。杏花愁。鶯正語。盡樓
東。錦屏寂寞思無窮。還是不知消息。鏡塵生。
珠淚滴。損儀容。

其二

羅帶縷金。蘭麝烟凝。魂斷。畫屏欹。雲鬢亂。恨難
任。幾迴垂淚滴鴛衾。薄情何處去。月臨窻。花
滿樹。信沉沉。

其三

小檻日斜。風度綠窻人悄悄。翠幃閑掩。舞雙鸞。

舊香寒。別來情緒轉難判。韶顏看却老依倚。
粉上有啼痕。暗銷魂。

其四

黛薄紅淚。約掠綠鬟雲膩。小鴛鴦。金翡翠。稱人
心。錦鱗無處傳幽意。海晏蘭堂春又去。隔年
書。千點淚。恨難任。

其五

掩却菱花。收拾翠鈿休上面。金蟲玉燕。瑣香奩。
恨耿耿。雲鬢半墜。懶重簪。淚侵山枕濕。銀燈

背帳。夢方酣。鴈飛南。

其六

水碧風清。入檻細香紅藕膩。謝娘歛翠。恨無涯。
小屏斜。堪憎蕩子不還家。謾留羅帶結。帳深
枕膩。炷沉煙。負當年。

其七

黛怨紅羞。掩映畫堂春欲暮。殘苔微雨。隔青樓。
思悠悠。芳菲時節看將度。寂寞無人還獨語。
畫羅濡。香粉污。不勝愁。

楊柳枝

秋夜香閨思寂寥。漏迢迢。鴛幃羅幌麝烟銷。燭
光搖。正憶玉郎遊蕩去。無尋處。更聞簾外雨
蕭蕭。滴芭蕉。

遐方怨

簾影細。簾紋平。象紗籠玉指。縷金羅扇輕。嫩紅
雙臉似花明。兩條眉黛遠山橫。鳳簫歌。鏡塵
生。遼塞音書絕。夢魂長。暗驚。玉郎經歲負娉婷。
教人爭不恨無情。

獻衷心

繡鴛鴦。帳暖畫孔雀。屏款。人悄悄。月明時。想昔
年。墮笑恨。今日分離。銀釭背。銅漏永。阻佳期。
小爐煙細。虛閣簾垂。幾多心事。暗地思惟。被嬌
娥牽役。魂夢如癡。金閨裏。山枕上。始應知。

應天長

瑟瑟羅裙金線縷。輕透鴛黃香畫袴。垂交帶。盤
鸚鵡。裏。翠翹移玉步。背人勾檀注。慢轉橫
波偷覷。欽黛春情暗許。倚屏慵不語。

訴衷情

香滅簾垂春漏永。整鴛衾。羅帶重。雙鳳縷黃金。
窗外月光臨。沉沉。斷腸無處尋。負春心。

其二

永夜拋人何處去。絕來音。香閣掩。眉斂月將沉。
爭忍不相尋。怨孤衾。換我心。為你心。始知相憶
深。

荷葉盃

春盡小庭花落。寂寞。凭檻斂雙眉。忍教成病憶

佳期。知摩知。知摩知。

其二

歌謦誰家筵上。寥亮。別恨正悠悠。蘭缸背帳月
當樓。愁摩愁。愁摩愁。

其三

弱柳好花盡。拆。晴陌陌。陌上少年郎。滿身蘭麝撲
人香。狂摩狂。狂摩狂。

其四

記得卹時相見。膽顫鬢亂。四肢柔。泥人無語不

擡頭羞摩羞羞摩羞。

其五

夜久歌聲怨咽。殘月菊冷露微微。看看濕透縷金衣。歸摩歸。歸摩歸。

其六

我憶君詩最苦。知否字字盡關心。紅牋為寄表情深。吟摩吟。吟摩吟。

其七

金鴨香濃鴛鴦被。枕膩小鬟簇蒼鈿。腰如細柳臉

如蓮。憐摩憐。憐摩憐。

其八

曲砌蝶飛煙暖。春半花發柳垂條。花如雙臉柳如腰。嬌摩嬌。嬌摩嬌。

其九

一去又乖期信。春盡滿院長莓苔。手拈裙帶獨徘徊。來摩來。來摩來。

渙歌子

曉風清。幽沼綠。倚欄凝望。珍禽浴。畫簾垂翠屏。

曲。滿袖荷香馥郁。好攄懷堪寓日。身閑心靜
平生足。酒盃深。光影促。名利無心較逐。

臨江僊

碧染長空池似鏡。倚樓閑望。凝情滿衣。紅藕細
香清。象床珍簟。山障掩。玉琴橫。暗想昔時歡
笑事。如今羸得。愁生。博山鑪暖澹烟輕。蟬吟人
靜。殘日傍小窗明。

其二

幽閨小檻春光晚。柳濃花澹。鶯稀。舊歡思想尚

依依。翠顰紅斂。終日損芳菲。何事狂夫音信
斷。不如梁燕猶歸。畫堂深處麝煙微。屏虛枕冷
風細。雨霏霏。

其三

月色穿簾風入竹。倚屏雙黛愁時。砌花含露兩
三枝。如啼恨臉。魂斷損容儀。香燼暗銷金鴨
冷。可堪辜負前期。繡襦不整鬢鬟欹。幾多惆悵
情緒在天涯。

醉公子

花間集 卷之七
漠漠秋雲澹。紅藕香侵檻。枕倚小山屏。金鋪向
晚扃。睡起橫波慢。獸望情何限。衰柳數聲蟬。
魂銷似去年。

其二

岸柳垂金線。雨晴鶯百轉。家住綠楊邊。往來多
少年。馬嘶芳草遠。高樓簾半捲。斂袖翠蛾攢。
相逢爾許難。

更漏子

舊歡娛。新悵望。擁鼻含嚔樓上。濃柳翠。晚霞微。

江鷗接翼飛。簾半捲。屏斜掩。遠岫參差迷眼。

歌滿耳。酒盈樽。前非不要論。

孫光憲 十二

浣溪沙

蓼岸風多橘柚香。江邊一望楚天長。片帆煙際
閃孤光。目送征鴻飛杳杳。思隨流水去茫茫。
蘭紅波碧憶瀟湘。

其二

桃杏風香簾幕閑。謝家門戶約花關。畫梁幽語

燕初還。繡閣數行題了。壁曉屏一枕酒醒山。
却疑身是夢魂間。幽語一本作雙語

其三

花漸凋疎不耐風。畫簾垂地晚堂空。墮堦紫蘚
舞愁紅。膩粉半粘金釧子。殘香猶暖繡薰籠。
蕙心無處與人同。

其四

攬鏡無言淚欲流。凝情半日懶梳頭。一庭疎雨
濕春愁。楊柳秣知傷怨別。杏苞應信損嬌羞。

淚沾魂斷軫離憂。

其五

半踏長裾宛約行。晚簾疎處見分明。此時堪恨
味平生。早是銷魂殘燭影。更愁聞著品絃聲。
杳無消息若為情。

其六

蘭沐初休曲檻前。暖風遲日洗頭天。濕雲新斂
未梳蟬。翠袂半將遮粉臆。寶釵長款墜香肩。
此時模樣不禁憐。

其七

風遞殘香出綉簾。團窠金鳳舞。檐。落花微雨。恨相兼。何處去來狂太甚。空推宿酒睡無厭。爭教人不別猜嫌。

其八

輕打銀箏墜燕泥。斷絲高罨畫樓西。花冠閑上。午墻啼。粉箨半開新竹逗。紅苞盡落舊菴窠。不堪終日閉深閨。

其九

烏帽斜欹倒佩魚。靜街偷步訪仙居。隔牆應認。打門初。將見客時微掩斂。得人憐處且生疎。低頭羞問壁邊書。

河傳

太平天子等閑遊。戲。疏河千里。柳如絲。隈倚淥波春水。長淮風不起。如花殿脚三千女。爭雲雨。何處田人住。錦帆風。煙際紅。燒空。魂迷大業中。

其二

柳拖金縷。著煙籠霧。濛濛落絮。鳳皇舟上楚女。
妙舞。雷喧波上鼓。龍爭虎戰。分中土。人無主。
菴葉江南渡。襞花牋。艷思牽。成篇。宮娥相與傳。

其三

花落煙薄。謝家池閣。寂寞春深。翠娥輕斂。意沉
吟。沾襟。無人知此心。玉鑪香斷。霜灰冷。簾鋪
影。梁燕歸紅杏。晚來天。空悄然。孤眠。枕檀雲髻
偏。

其四

風颭波斂。團荷閃閃。珠傾露點。木蘭舟上。何處
吳娃。越豔。藕花紅照臉。大堤狂殺。襄陽客。煙
波隔。渺渺湖光白。身已歸。心不歸。斜暉。遠汀鷓
鴒飛。

花間集卷第七



